

四庫全書

集部

欽定四庫全書

集部

才調集卷五

六

詳校官中書臣陸湘

助教臣常循覆勘

覆校官中書臣汪師曾

校對官原任臣郭祚熾

謄錄監生臣金國禮

欽定四庫全書

才調集卷五目錄

元稹

五十七首

夢遊春七十韻

桐花落

夢昔時

恨粧成

古決絕詞

又

又

櫻桃花

曹十九舞綠鈿

閨晚

曉將別

薔薇架

月暗

新秋

贈雙文

春別

和樂天示楊瓊

魚中素

代九九

盧十九子蒙吟盧七員外洛川懷古六韵命余

和

劉阮妻

又

桃花

莫秋

壓牆花

舞腰

白衣裳

又

憶事

寄舊詩與薛濤因成長句

友封體

看花

斑竹

箏

春曉

古豔詩

所思

又

鶯鶯詩

雜思詩

又

又

又

又

雜憶詩

又

又

又

又

有所教

襄陽為盧賓紀事

又

又

又

又

初除浙東妻有沮色因以四韵曉之

會真詩三十韵

鄭谷

十一首

登杭州城

曲江春草

十月菊

淮上漁者

弔故禮部韋員外

席上貽歌者

淮上與友人別

雪中偶題

鷓鴣

京師冬莫咏懷

趙璘郎中席上賦得蝴蝶

秦韜玉

八首

長安書懷

春雪

對花

貧女

鸚鵡

織錦女

獨坐吟

咏手

紀唐夫

一首

送溫庭筠

雍陶

一首

咏雙白鷺

劉禹錫

十二首

自朗州至京戲贈看花諸君子

再遊玄都觀

聽舊宮人穆氏唱歌

楊柳枝詞

又

又

竹枝詞

又

又

寄樂天

鸚鵡

和樂天送鶴

白居易

八首

送鶴與裴相臨別贈詩

王昭君

邯鄲冬至夜思家

題王侍御池

藍橋驛見元九詩

聞龜兒咏詩

同李十一醉憶元九

憶晦叔

武元衡

二首

訓嚴司空別萬見寄

送張諫議赴闕

欽定四庫全書

才調集卷五

唐 韋穀 撰

元稹

五十七首

夢遊春七十韻

昔歲夢遊春夢遊何所遇夢入深洞中果遂平生趣清
冷淺漫流畫舫蘭篙渡過盡萬株桃盤旋行林路長廊
抱小樓門牖相迴互樓下雜花叢叢邊繞鴛鴦池光漾
彩霞曉日初明煦未敢上階行頻移曲池步烏龍不作

聲碧玉曾相慕漸到簾幙間徘徊意猶懼閒窺東西閣
奇玩參差布隔子碧油糊駝鈎紫金鍍逡巡日漸高影
響人將寤鸚鵡飢亂鳴嬌娃睡猶怒簾開侍兒起見我
遙相諭鋪設繡紅茵施張鈿裝具潛褰翡翠帷瞥見珊
瑚樹不辨花貌人空驚香若霧迴身夜合偏斂態晨霞
聚睡臉桃破風汗粧蓮委露叢梳百葉髻金蹙重臺屨
紕軟鈿頭裙玲瓏合歡袴鮮妍脂粉薄閨澹衣裳故最
似紅牡丹雨來春欲莫夢魂良易驚靈境難久寓夜夜

望天河無由重沿泝結念心所期返如禪頓悟覺來八
九年不向花迴顧雜合兩京春喧闐衆禽護我到看花
時但作懷仙句浮生轉經歷道性尤堅固近作夢仙詩
亦知勞肺腑一夢何足云良時自婚娶當年二紀初嘉
節三星度朝舞玉佩迎高松女蘿附韋門正全盛出入
多歡裕甲第漲清池鳴騶引朱輅廣榭舞姜蕤長筵賓
雜厝青春詎幾日華實潛幽靈秋月照潘郎空山懷謝
傅紅樓嗟壞壁金谷迷荒戍石壓破闌干門摧舊桎梏

雖云覺夢殊同是終難駐惛緒竟何如焚絲不成約卓
女白頭吟阿嬌金屋賦重壁盛姬臺青塚明妃墓盡委
窮塵骨皆隨流波注幸有古如今何勞縑比素況余當
盛時蚤歲諧如務詔冊冠賢良諫垣陳好惡三十再登
朝一登還一仆寵榮非不蚤遭迴亦云屢直氣在膏肓
氛氲日沉痼不言意不快快意言多忤忤誠人所賊性
亦天之付乍可沉為香不能浮作瓠誠為堅所守未為
明所措事事身已經營營計何誤美玉琢文珪良金填

武庫徒謂自堅貞安知受礱鑄長絲羈野馬密網羅陰
兔物外各迢迢誰能遠相錮時來既若飛禍速當如鶩
曩意自未精此行何所訴努力去江陵笑言誰與晤江
花縱可憐奈非心所慕石竹逞姦點蔓菁誇畝數一種
薄地生淺深何足妬荷葉水上生團團水中住瀉水置
葉中君看不相污

桐花落

莎草遍桐陰桐花滿莎落葢覆相團圓可憐無厚薄昔

歲幽院中深堂下簾幙同在後門前因論花好惡君誇
沉檀樣云是指撫作暗澹滅紫花拘連蹙金萼都繡六
七枝鬪成雙孔雀尾上稠疊花又將金解絡我看愛不
已君煩睡先著我作繡桐詩繫君裙帶著別來若修道
此意都蕭索今日竟相牽思量偶然錯

夢昔時

閒窗結幽夢此夢誰人知夜半初得處天明臨去時山
川已久隔雲雨兩無期何事來相感又成新別離

恨粧成

曉日穿隙明開帷理粧點傳粉貴重重施朱憐冉冉柔
鬟背額垂叢鬢隨釵斂凝翠暈蛾眉輕紅拂花臉滿頭
行小梳當面施圓靨最恨落花時粧成獨披掩

古決絕詞

乍可為天上牽牛織女星不願為庭前紅槿枝七月七
日一相見故心終不移那能朝開暮飛去一任東西南
北吹分不兩相守恨不兩相思對面且如此背面當何

如春風撩亂伯勞語況是此時拋去時握手苦相問竟
不言後期君情既決絕妾意亦參差借如死生別安得
長苦悲

又

噫春冰之將泮何余懷之獨結有美一人於焉曠絕一
日不見比一日於三年況三年之曠別水得風兮小而
已波筍在苞兮高不見節矧桃李之當春競衆人之攀
折我自顧悠悠而若雲又安能保君皚皚之如雪感破

鏡之分明睹淚痕之餘血幸他人之既不我先又安能
使他人之終不我奪已焉哉織女別黃姑一年一度暫
相見彼此隔河何事無

又

夜夜相抱眠幽懷尚沉結那堪一年事長遣一宵說但
感久相思何暇暫相悅虹橋薄夜成龍駕侵晨列生憎
野鶴性遲迴死恨天鷄識時節曙色漸瞳瞳華星欲明
滅一去又一年一年何可徹有此迢遞期不如生死別

天公何是妬相憐
何不教相決絕

櫻桃花

櫻桃花一枝兩枝千萬朵
花塲曾立摘花人
窄破羅裙紅似火

曹十九舞綠鈿

急管清弄頻舞衣纔攬結
含情獨揺手
雙袖參差列
駉裊柳牽絲
炫轉風迴雪凝眄
嬌不移
往往度繁節

一 閨晚

紅裙委罇堦玉爪勢朱橘素臆光如矚明瞳豔凝溢調
絃不成曲學書徒弄筆夜色侵洞房香煙透簾出

曉將別

風露曉淒淒月下西牆西行人帳中起思歸枕前啼屑
屑命僮御晨粧儼已齊將去復攜手日高方解攜

薔薇架

清水驛

五色堦前架一張籠上被殷紅稠疊花半綠鮮明地風
蔓羅裙帶露英蓮臉淚多逢走馬郎可惜簾邊思

月暗

月暗燈殘面牆泣羅縷斗重知啼濕真珠簾斷蝙蝠飛
燕子巢空螢火入深殿門重夜漏嚴柔

闕

年急

君王掌上容一人更有輕身何處立

新秋

旦莫已淒涼離人思遠忙夏衣臨曉薄秋影入簾長前
事風隨扇歸心燕在梁殷勤寄牛女河漢正相望

贈雙文

豔極翻含怨憐多轉自嬌
有時還暫笑閒坐更無聊
曉月行看墮春酥見欲消
何因宵垂手不敢望迴腰

春別

幽芳本未闌君去蕙花殘
河漢秋期遠關山世路難
雲屏留粉絮風幌引香蘭
腸斷迴文錦春深獨自看

和樂天示楊瓊

我在江陵少年日知有楊瓊
初喚出腰身瘦小歌圓緊
依約年應十六七去年十月
過蘓州瓊來拜問郎不識

青衫玉貌何處去安得紅旗遮頭白我語楊瓊莫語
汝雖笑我我笑汝汝今無復小腰身不似江陵時好女
楊瓊為我歌送酒爾憶江陵縣中否江陵王令骨為灰
車來嫁作尚書婦盧戡及第嚴澗在其餘死者十八九
我今賀爾亦自多爾得老成亦白首

楊瓊本名播少為
江陵酒妓去年姑

蘇過瓊叙舊及今見樂天
此篇因走筆追書此曲

魚中素

重疊魚中素幽絨手自開斜紅餘淚蹟知著臉邊來

代九九

昔年桃李月顏色共花宜迴臉蓮初破低蛾柳並垂望
山多倚樹弄水愛臨池遠被登高識潛因倒影窺隔林
徒想像上砌轉逶迤謾擲庭中果虛攀牆外枝強持文
玉佩求結麝香縞阿母憐金重親兄要馬騎把將嬌小
女嫁與冶遊兒自隱勤勤索相要事事隨每常同坐卧
不省暫參差纔學羞蕪妬何言寵便移青春來易皎白
日誓先虧僻性嗔來見邪行醉後知別牀鋪枕席當面

指瑕疵妾貌應猶在君情遽若斯的成終世恨焉用此
宵為鸞鏡燈前撲鴛衾手下墮參商半夜起琴瑟一聲
離努力新鼓豔狂風次第吹

盧十九子蒙吟盧七員外洛川懷古六韻命余

和

聞道盧明府閒行咏洛神浪圓疑靨笑波鬪憶眉顰蹀
躑橋頭馬空濛水上塵草芽猶犯雪冰岸欲消春寓目
終無限通辭未有因子蒙將此曲吟似獨眠人

劉阮妻

仙洞千年一度開等閒偷入又偷回
桃花飛盡秋風起何處消沉去不來

又

芙蓉脂肉綠雲鬟
畫樓臺青黛山
千樹桃花萬年藥
不知何事憶人間

桃花

桃花淺深處似勻深淺粧
春風助腸斷吹落白衣裳

莫秋

看著牆西日又沉
步廊迴合戟門深
栖鳥滿樹聲聲絕
小玉上牀鋪夜衾

壓牆花

野性大都迷里巷
愛將高樹記人家
春來偏認平陽宅
為見牆頭拂面花

舞腰

裙裾旋旋手迢迢
不趁音聲自趁嬌
未必諸郎知曲悞

一時偷眼為迴腰

白衣裳

雨濕輕塵隔院香
玉人初著白衣裳
半含惆悵閒看繡
一朵梨花壓象牀

又

藕絲衫子柳花裙
空著沉香慢火薰
閒倚屏風笑周昉
枉拋心力畫朝雲

憶事

夜深閒到戟門邊
却繞行廊又獨眠
明月滿庭池水綠
桐花垂在翠簾前

寄舊詩與薛濤因成長句

序在別卷

詩篇調態人皆有
細膩風光我獨知
月夜咏花憐暗澹
雨朝題柳為欹垂
長教碧玉藏深處
總向紅牋寫自隨
老大不能收拾得
與君間似好男兒

友封體

黔府賓軍字友封

雨送浮涼夏簟清
小樓腰褥怕單輕
微風暗度香囊轉

朧月斜穿隔子明
樺燭焰高黃耳吠
柳堤風靜紫騮聲
頻頻聞動中門鎖
桃葉知嗔未敢迎

看花

努力少年求好官
好花須是少年看
看君看老大逢花樹
未折一枝心已闌

斑竹

得之
湘流

一枝斑竹渡湘沅
萬里行人感別魂
知是娥皇廟前物
遠隨風雨送啼痕

箏

莫愁私地愛王昌
夜夜箏聲怨隔牆
火鳳有凰求不得
春鶯無伴轉空長
急揮舞破催飛燕
慢逐歌詞弄小娘
死恨相如新索婦
枉將心力為他狂

春曉

半欲天明半未明
醉聞花氣睡聞鶯
娃兒撼起鐘聲動
二十年前曉寺情

古豔詩

或刻
春詞

深院無人草樹光
嬌鶯不語趁陰藏
等閒弄水浮花片
流出門前賺阮郎

所思

庾亮樓中初見時
武昌春柳似腰肢
相逢相失還如夢
為雨為雲今不知

又

鄂渚濛濛煙雨微
女郎魂逐暮雲歸
只應長在漢陽渡
化作鴛鴦一隻飛

鶯鶯詩

或混刻離
思詩六首

殷紅淺碧舊衣裳
取次梳頭澹粧
夜合帶煙籠曉日
牡丹經雨泣
殘陽依稀似笑還
非笑彷彿聞香
不是香
頻動橫波嬌不語
等閒教見小兒郎

雜思詩

自愛殘粧曉鏡中
環釵謾簪綠絲叢
須臾日射燕脂頰
一朵紅蘇旋欲融

又

山泉散漫繞堦流萬樹桃花暎小樓閒讀道書慵未起
水晶簾下看梳頭

又

紅羅著壓逐時新杏子花紗嫩麴塵第一莫嫌材地弱
些些紉繆最宜人

又

曾經滄海難為水除却巫山不是雲取次花叢嬾回顧
半緣修道半緣君

又

尋常百種花齊發
偏摘梨花與白人
今日江頭兩三樹
可憐和葉度殘春

雜憶詩

今年寒食月無光
夜色纔侵已上牀
憶得雙文通內裏
玉攏深處暗聞香

又

花籠微月竹籠煙
百丈絲繩拂地懸
憶得雙文人靜後

潛教桃葉送鞦韆

又

寒輕夜淺繞迴廊不辨花叢暗辨香憶得雙文朧月下
小樓前後捉迷藏

又

山榴似火葉相兼亞拂低牆半拂簷憶得雙文獨披掩
滿頭花草倚新簾

又

春冰消盡碧波漾影殘霞似有無憶得雙文衫子薄
鈿頭雲暎褪紅酥

有所教

莫畫長眉畫短眉斜紅傷豎莫傷垂人人總解爭時勢
都大須看各自宜

襄陽為盧竇紀事

帝下真符召玉真偶逢遊女暫相親素書三卷留為贈
從向人間說向人

又

風弄花枝月照堦
醉和春睡倚香懷
依稀似覺雙環動
潛被蕭郎卸玉釵

又

鶯聲撩亂曙燈殘
暗覓金釵動曉寒
猶帶春醒嬾相送
櫻桃花下隔簾看

又

瑠璃波面月籠煙
暫逐蕭郎走上天
今日歸時最腸斷

迴江還是夜來船

又

花枝臨水復臨堤
閒照江流亦照泥
千萬春風好擡舉
夜來曾有鳳凰栖

初除浙東妻有沮色因以四韵曉之

嫁時五月歸巴地
今日雙旌上越州
興慶首行千命婦

余在中書日妻以郡君朝
太后於興慶宮張為班首

會稽傍帶六諸侯
海樓翡翠

閒相逐鏡水鴛鴦暖
共遊我有主恩羞
未報君於此外

更何求

會真詩三十韻

微月透簾櫳，螢光度碧空。
遙天初縹緲，低樹漸蔥蘢。
龍吹過庭竹，鸞歌拂井桐。
羅綃垂薄霧，環珮響輕風。
絳節隨金母，雲心捧玉童。
更深人悄悄，晨會雨濛濛。
珠瑩光文履，花明隱繡櫳。
寶釵行彩鳳，羅帔掩丹虹。
言自瑤華浦，將朝碧玉宮。
因遊洛城北，偶向宋家東。
戲調初微拒，柔情已暗通。
低鬟蟬影動，迴步玉塵蒙。
轉面流花雪，登

牀抱綺叢鴛鴦交頸舞翡翠合歡籠眉黛羞頻聚唇朱
暖更融氣清蘭蕋馥膚潤玉肌豐無力慵移腕多嬌愛
飲躬汗光珠點點髮亂綠鬆鬆方喜千年會俄聞五夜
窮留連時有限繾綣意難終慢臉含愁態芳詞誓素衷
贈環明運合留結表心同啼粉流清鏡殘燈繞暗蟲華
光猶冉冉旭日漸瞳瞳乘鶯還歸洛吹簫亦上嵩衣香
猶染麝枕膩尚殘紅幕幕臨塘草飄飄思渚蓬素琴鳴
怨鶴清漢望歸鴻海闊誠難度天高不易冲行雲無處

所蕭史在樓中

鄭谷

十一首

登杭州城

故國江天外登臨返照間
潮來無別浦木落見他山
沙鳥晴飛遠漁人夜唱閒
歲窮歸未得心逐片帆還

曲江春草

花落江堤簇煖煙
雨餘草色遠相連
香輪莫碾青青破
留與遊人一醉眠

十月菊

節去蜂愁蝶不知曉庭還繞折殘枝自緣今日人心別
未必秋香一夜衰

淮上漁者

白頭波上白頭翁家逐船移浦浦風一尺鱸魚新釣得
兒孫吹火荻花中

弔故禮部韋員外

有序別卷

臘雪初晴共舉杯便期攜手上春臺高情惟怕酒不滿

長慟可悲花正開
曉奠鶯啼殘漏在
風幃燕覓舊巢來
杜陵芳草年年綠
醉魄吟魂無復還

席上貽歌者

花月樓臺近九衢
清歌一曲倒金壺
座中亦有江南客
莫向春風唱鷓鴣

淮上與友人別

楊子江頭楊柳春
楊花愁殺渡江人
數聲風笛離亭晚
君向瀟湘我向秦

雪中偶題

亂飄僧舍茶煙濕密灑歌樓酒力微
江上晚來堪畫處漁人披得一蓑歸

鷓鴣

暖戲平蕪錦翼齊品流應得近山鷄
雨昏青草湖邊過花落黃陵廟裏啼
遊子乍聞征袖濕佳人纔唱翠眉低
相呼相應湘江浦苦竹叢深春日西

京師冬莫咏懷

寬句千名祇自勞苦吟殊未補風騷煙開水國花期近
雪滿長安酒價高舊業已荒青靄遙寒江空憶白雲濤
不知春到情何限惟恐流年損鬢毛

趙璘郎中席上賦得蝴蝶

尋豔復尋香似閒還似忙暖煙沈蕙徑微雨宿花房書
幌輕隨夢歌樓悞採粧王孫深屬意繡入舞衣裳

秦韜玉

八首

長安書懷

涼風吹雨滴寒更鄉思欺人撥不平長有歸心懸馬首
可堪無寐枕蛩聲嵐收楚岫和空碧秋染湘江到底清
蚤晚身閒著策去橘香深處釣船橫

春雪

雲重寒空思寂寥玉塵如糝滿春朝片纔著地輕輕陷
力不禁風旋旋消惹砌任他香粉妬繁叢自學小梅嬌
誰家醉卷朱簾看絃管堂深暖易調

對花

長共韶光暗有期可憐蜂蝶却先知誰家促席臨低樹
何處橫釵戴小枝麗日多情疑曲照和風得路合偏吹
向人雖道渾無語幾勸王孫到醉時

貧女

蓬門未識綺羅香擬托良媒益自傷誰愛風流高格調
共憐時世儉梳粧敢將十指誇偏巧不把雙眉鬪畫長
苦恨年年壓金線為他人作嫁衣裳

鸚鵡

每聞別雁競悲鳴却歎金籠寄此生
蚤是翠衿爭愛惜
可堪紅嘴強分明雲漫隴樹魂應斷
歌按秦樓夢不成
幸自禰衡人未識賺他為賦被時輕

織錦女

桃花日日覓新奇有鏡何曾及畫眉
祇恐輕梭難作足
豈辭纖手遍生胝合蟬巧間雙盤帶
聯雁斜銜小折枝
豪貴大堆酬曲徹豈知辛苦一絲絲

獨坐吟

客愁不盡本如水草色含情更無已
又覺春愁似草生
何人種在情田裏

咏手

一雙十指玉纖纖不是風流物不拈
鸞鏡巧梳勻翠黛
畫樓閒望擘珠簾金杯有喜輕輕點
銀鴨無香旋旋添
因把剪刀嫌道冷泥人呵了弄人髯

紀唐夫

一首

送溫庭筠

何事明時泣玉頻
長安不見杏垣春
鳳凰詔下雖沾命
鸚鵡才高却累身
且盡綠醽銷積恨
莫思黃綬拂行塵
方城若比長沙遠
猶隔千山與萬津

雍陶一首

咏雙白鷺

雙鷺應憐水滿池
風飄不動頂絲垂
立當青草人先見
行傍白蓮魚未知
一足獨拳寒雨裏
數聲相叫蚤秋時
林塘得爾須增價
况是詩家物色宜

劉禹錫 十二首

自朗州至京戲贈看花諸君子

紫陌紅塵拂面來，無人道看花回。
玄都觀裏桃千樹，盡是劉郎去後栽。

再遊玄都觀

百畝庭中半是苔，桃花淨盡菜花開。
種桃道士歸何處，前度劉郎今又來。

聽舊宮人穆氏唱歌

曾隨織女渡天河記得雲間第一歌休唱貞元供奉曲
當時朝士已無多

楊柳枝詞

花萼樓前初種時美人樓上鬪腰肢如今拋擲長街裏
露葉如啼欲向誰

又

煬帝行宮汴水濱數株殘柳不勝春晚來風起花如雪
飛入宮牆不見人

又

城外春風吹酒旗行人揮袂日西時
長安陌上無窮樹惟有垂楊管別離

竹枝詞

城西門前濫灝堆年年波浪不曾催
懊惱人心不如石少時東去復西來

又

瞿塘嘈嘈十二灘此中道路古來難
長恨人心不如水

等閒平地起波瀾

又

楊柳青青江水平
聞郎江上唱歌聲
東邊日出西邊雨
莫道無晴還有晴

寄樂天

莫嗟華髮與無兒
却是人生久遠期
雪裏高山頭白早
海中仙果子生遲
于公必有高門慶
謝守何煩曉鏡悲
幸免如新分非淺
祝君長咏夢熊詩

鸚鵡

隴西鸚鵡到江東養得經年嘴漸紅
常恐思歸先剪翅每因餒食暫開籠
人憐巧語情雖重鳥憶高飛意不同
應似朱門歌舞妓深藏牢閉在房中

和樂天送鶴

昨日看成送鶴詩高籠提出白雲司
朱門乍入應迷路玉樹容栖莫揀枝
雙舞庭中花落處數聲池水月明時
三山碧海未歸去且向人間呈羽儀

白居易 八首

送鶴與裴相臨別贈詩

司空憐爾爾須知不信聽吟乞鶴詩
羽翼勢高寧惜別
稻粱恩厚莫愁飢
夜栖莫共鳥爭樹
曉浴先饒鳳占池
穩上青雲莫迴顧
的應勝在白家時

王昭君

漢使却回憑寄語
黃金何日贖蛾眉
君王若問妾顏色
莫道不如宮裏時

邯鄲冬至夜思家

邯鄲驛裏逢冬至，抱膝燈前影伴身。
想得家中夜深坐，還應說著遠行人。

題王侍御池

朱門深鎖春池滿，岸落薔薇水浸莎。
畢竟林塘誰是主，主人來少客來多。

藍橋驛見元九詩

藍橋春雪君歸日，秦嶺秋風我去時。
每到驛亭先下馬，

循牆繞柱覓君詩

聞龜兒咏詩

憐渠已解咏詩章
搖膝支頤學二郎
莫學二郎吟太苦
纔年四十鬢如霜

同李十一醉憶元九

花時同醉破春愁
醉折花枝當酒籌
忽憶故人天際去
計程今日到梁州

憶晦叔

遊山弄水攜詩卷看月尋花把酒杯
六事盡思君作伴
幾時歸到洛陽來

武元衡 二首

訓嚴司空別萬見寄

或刻
荊帥

金貂再入三公府
玉帳連封萬戶侯
簾卷青山巫峽曉
煙開碧樹渚宮秋
劉琨坐嘯風清塞
謝朓裁詩月滿樓
白雪調高歌不得美人南望翠蛾愁

送張諫議赴闕

詔書前日下丹霄頭戴儒冠脫皂貂笛怨柳營煙漠漠
雲愁江館雨蕭蕭鵲鵲得路爭先翥松檜凌霜獨後凋
歸去朝端有如問玉門關外老班超

才調集卷五

欽定四庫全書

才調集卷六目錄

李白 二十八首

長干行

又

古風

古風

又

長相思

烏夜啼

白頭吟

贈漢陽輔錄事

搗衣篇

大堤曲

對酒

久別離

紫駟馬

宮中行樂詞

又

又

又

又

又

又

又

愁陽春賦

寒女吟

相逢行

會別離

江夏行

相逢行

李商隱

四十首

鏡檻

曉坐

碧城

又

又

飲席代官妓贈兩從事

代元城吳令暗為答杏花

燈

代魏宮私贈

齊宮詞

銀河吹笙

題二首後重有戲贈任秀才

春雨

富平少侯

促漏

江東

七夕

可嘆

曉起

腸

獨居有懷

代贈

又

宮辭

追代盧家人嘲堂內

訪人不遇留題別館

代應

楚吟

龍池

淚

即日

水天閒話舊事

漢宮詞

席上作

留贈畏之

馬嵬

離亭賦得折楊柳

又

深宮

李涉
十五首

寄荊娘寫真

與李渤新羅劍歌

六歎

又

重過丈上人院

潤州聽莫角

再宿武關

鷓鴣詞

又

牧童詞

竹枝詞

又

又

又

京口送朱畫之淮南

唐彥謙

十七首

垂柳

牡丹

春雨

秋晚高樓

上巳日寄韓八

長溪秋望

離鸞

曲江春望

柳

春陰

春深獨行馬上有作

寄蔣二十四

漢代

春殘

小院

寄懷

玫瑰

欽定四庫全書

才調集卷六

唐 韋穀 撰

李白 二十八首

長干行

妾髮初覆額折花門前劇郎騎竹馬來遶床弄青梅同
居長千里兩小無嫌猜十四為君婦羞顏未嘗開低頭
向暗壁千喚不一迴十五始展眉願同塵與灰常存抱
柱信豈上望夫臺十六君遠行瞿唐灘堆五月不可

觸猿聲天上哀門前遲行跡
一生綠苔苔深不能埽
落葉秋風蚤八月蝴蝶來
雙飛西園草感此傷妾心
坐見紅顏老蚤晚下三巴
預將書報家相迎不道遠
直至長風沙

又

憶妾深閨裏煙塵不曾識
嫁與長干人沙頭候風色
五月南風興思君下巴陵
八月西風起想君發揚子
去來悲如何見少別離多
湘潭幾日到妾夢越風波
昨夜狂

風度吹折江頭樹
森森暗無邊
行人在何處
好乘浮雲
驄佳期
蘭渚東
鴛鴦綠蒲上
翡翠錦屏中
自憐十五餘
顏色桃花紅
那作商人婦
愁水復愁風

古風

集中古風五十
九首此首缺

泣與親友別
欲語再三咽
勗君青松心
努力保霜雪
世路多險艱
白日欺紅顏
分手各千里
去去何時還

古風

秋露白如玉
團圓下庭綠
我行忽見之
寒早悲歲促
人

生鳥過目胡乃自結束景公一何愚牛山淚相續物苦
不知足得隴又望蜀人心若波瀾世路有屈曲三萬六
千日夜夜當秉燭

又

燕趙有秀色綺樓青雲端眉目艷皎月一笑傾城歡常
恐碧草晚坐泣秋風寒纖手怨玉琴清晨起長歎焉得
偶君子共乘雙飛鸞

長相思

日色欲盡花含煙月明欲素愁不眠
趙瑟初停鳳凰柱
蜀琴欲奏鴛鴦絃
此曲有意無人傳
願隨春風寄燕然
憶君迢迢隔青天
昔時橫波目今作流淚泉
不信妾腸斷歸來看取明鏡前

烏夜啼

黃雲城邊烏欲棲
歸飛啞啞枝上啼
機中織錦秦川女
碧紗如煙隔窗語
停梭悵然憶遠人
獨宿孤房淚如雨

一作停梭向人問故
夫知在流沙淚如雨

白頭吟

錦水東流碧波蕩，雙鴛鴦雄巢漢宮樹。雌弄秦草芳，相
如去蜀謁武皇。赤車駟馬生輝光，一朝再覽大人作。萬
乘忽欲凌雲翔，聞道阿嬌失恩寵。千金買賦要君王，相
如不憶貧賤日。位高金多聘私室，茂陵妹子皆見求。文
君歡愛從此畢，波如雙泉水行墮。紫羅襟五更雞三唱，
清晨白頭吟長吁。不整綠雲鬢，仰訴青天哀。怨深城崩
杞，梁妻誰道土無心。東流不作西歸水，落花辭枝羞故

林頭上玉燕釵是妾嫁時物贈君表相思羅袖幸時拂
莫卷龍鬚席從他生網絲且留琥珀枕還有夢來時鵲
鵲裘在錦屏上自君一往無由披妾有秦樓鏡照心勝
照井願持照新人雙對可憐影覆水却收不滿盃相如
還謝文君迴古來得意不相負祇今惟有青陵臺

贈漢陽輔錄事

鸚鵡洲橫漢陽渡水引寒煙沒江樹南浦登樓不見君
君今罷官在何處漢口雙魚白錦鱗令傳尺素報情人

其中字數無多少只是相思秋復春

擣衣篇

閨裏佳人年十餘
頻蛾對影恨離居
忽逢江上春歸燕
銜得雲中尺素書
玉手開絨長歎息
狂夫猶戍交河北
萬里交河水北流
願為雙燕汎中洲
君邊雲擁青絲騎
妾處苔生紅粉樓
樓上春風日將歇
誰能攬鏡看愁髮
曉吹負管隨落花
夜擣戎衣向明月
明月高高刻漏長
真珠簾箔掩蘭堂
橫垂寶幄同心結
半拂瓊筵蘇合香

瓊筵寶幄連枝錦燈燭熒熒照孤寢有便憑將金剪刀
為君留下相思枕摘盡庭蘭不見君紅巾拭淚生氤氲
明年若更征邊塞願作陽臺一段雲

大堤曲

漢水臨襄陽花開大堤暖佳期大堤下淚向南雲滿春
風復無情吹我夢魂亂不見眼中人天長音信斷

對酒

或刻青
山獨酌

蒲萄酒金叵羅吳姬十五細馬馱青黛畫眉紅錦靴道

字不正嬌唱歌玳瑁筵中懷裏醉芙蓉帳底奈君何

久別離

別來幾春未還家玉窗五見櫻桃花況有錦字書開緘
使人嗟此腸斷彼心絕雲鬢綠鬢罷梳結愁如迴颿亂
白雪去年寄書報陽臺今年寄書重相催東風兮東風
為我吹行雲使西來待來竟不來落花寂寂委青苔

紫騮馬

紫騮行且嘶雙翻碧玉蹄臨流不肯渡似惜錦障泥白

雪關山遠黃雲海樹迷揮鞭萬里去安得念春閨

宮中行樂詞

武刻三首作宮中行樂又另五首作紫宮樂今從宋刻本集次

小小生金屋盈盈在紫微
山花插寶髻石竹繡羅衣
每出深宮裏常隨步輦歸
只愁歌舞散化作彩雲飛

又

柳色黃金嫩梨花白雪香
玉樓巢翡翠金殿鎖鴛鴦
選妓隨雕輦徵歌出洞房
宮中誰第一飛燕在昭陽

又

盧橘為秦樹蒲萄出漢宮
煙花宜落日絲管醉春風
笛奏龍吟水簫鳴鳳下
空君王多樂事還與萬方同

又

玉樹春歸日金宮樂事多
後庭朝未入輕輦夜相過
笑出花間語嬌來燭下歌
莫教明月去留著醉姮娥

又

繡戶香風暖紗窗曙色新
宮花爭笑日池草暗生春
綠樹聞歌鳥青樓見舞人
昭陽桃李月羅綺自相親

又

今日明光裏還須結伴遊春風開紫殿天樂下珠樓艷
舞全知巧嬌歌半欲羞更憐花月夜宮女笑藏鉤

又

寒雪梅中盡春風柳上歸宮鶯嬌欲醉簷燕語還飛遲
日明歌席新花艷舞衣晚來移綵仗行樂泥光輝

又

水綠南薰殿花紅北闕樓鶯歌聞太液鳳吹遶瀛洲素

女鳴珠珮天人弄綵球今朝風日好宜入未央遊

愁陽春賦

東風歸來見碧草而知春蕩漾惚恍何垂楊旖旎之愁
人天光清而妍和海氣綠而芳新綵翠兮阡眠雲飄飄
而相鮮演漾兮夤緣窺青苔之生泉縹緲兮翩躚見遊
絲之縈煙魂與此兮俱斷醉風光兮悽然若乃隴水秦
聲江猿巴吟明妃玉塞楚客楓林試登高而望遠痛切
骨而傷心春心蕩兮如波春愁亂兮如雪兼萬情之悲

歡茲一感於芳節我所思兮湘水濱隔雲霓而見無因
灑別淚於尺波寄東流於情親若使春光可攬而不減
兮吾欲贈天涯之佳人

寒女吟

昔君布衣時與妾同辛苦一拜五官郎便索邯鄲女妾
欲辭君去君心便相許妾讀薜蘿書悲歌淚如雨憶昔
嫁君時曾無一夜樂不是妾無堪君家婦難作起來強
歌舞縱好君嫌惡下堂辭君去去後悔遮莫

相逢行

相逢紅塵內高揖黃金鞭萬戶垂楊裏君家阿那邊

會別離

結髮生別離相思復相保如何日已遠五變庭中草渺
渺天海途悠悠漢江島但恐不出門出門無遠道道遠
行寄難家貧衣復單巖風吹雨雪晨起鼻何酸人生各
有志豈不懷所安分明天上日生死誓同歡

江夏行

憶昔嬌小姿春心亦自持為言嫁夫壻得免長相思誰
知嫁商賈令人却愁苦自從為夫妻何曾在鄉土去年
下揚州相送黃鶴樓眼看帆去遠心逐江水流只言期
一載誰謂歷三秋使妾腸欲斷恨君情悠悠東家西舍
同時發北去南來不逾月未知行李遊何方作箇音書
能斷絕適來往南浦欲問西江船正見當壚女紅粧二
八年一種為人妻獨自多悲悽對鏡便垂淚逢人只欲
啼不如輕薄兒旦莫長追隨悔作商人婦青春長別離

如今正好同歡樂君去榮華誰得知

相逢行

朝騎五花馬謁帝出銀臺秀色誰家子雲車珠箔開金
鞭遙指點玉勒近遲迴夾轂相借問疑從天上來邀入
青綺門當歌共銜盃銜盃暎歌扇似月雲中見相見不
得親不如不相見相見情已深未語可知心胡為守空
閨孤眠愁錦衾錦衾與羅帷纏綿會有時春風正澹蕩
莫雨來何遲願因三青鳥更報長相思光景不待人須

與髮成絲當年失行樂老去徒傷悲持此道密意無令

曠佳期

一本無此六句

李商隱

四十首

鏡檻

或刻錦檻

鏡檻芙蓉入香臺翡翠過撥絃驚火鳳交扇拂天鵝隱
忍陽城笑喧傳郢市歌仙眉瓊作葉佛髻鈿為螺五里
無因霧三秋只見河月中供藥剩海上得綃多玉集胡
沙割犀留聖水磨斜門穿戲蝶小閣鎖飛蛾騎檐侵羈

卷車帷約懣鉤傳書兩行雁取酒一封駝橋迴涼風壓
溝橫夕照和待烏燕太子駐馬魏東阿想像鋪芳緡依
稀解醉羅散時簾隔露卧後幙生波梯穩從攀桂弓調
任射莎豈能拋斷夢聽鼓事朝珂

曉坐

一云
後閣

後閣罷朝眠前墀思黯然梅應未假雪柳自不勝煙淚
續淺深綆腸危高下絃紅顏無定所得失在當年

碧城

碧城十二曲闌杆，
犀辟塵埃玉辟寒。
閨苑有書多附鶴，
女牆無樹不棲鸞。
星沉海底當窗見，
雨過河源隔座看。
若是曉珠明又定，
一生常對水晶盤。

又

對影聞聲已可憐，
玉池荷葉正田田。
不逢蕭史休回首，
莫見洪崖又拍肩。
紫鳳放嬌銜楚珮，
赤鱗狂舞撥湘絃。
鄂君悵望舟中夜，
繡被焚香獨自眠。

又

七夕來時先有期洞房簾箔至今垂玉輪顧兔初生魄
鐵網珊瑚未有枝檢得神方教駐景收將鳳紙寫相思
武皇內傳分明在莫道人間總不知

歌席代妓贈兩從事

新人橋上著春衫舊主江邊側帽簷

隋獨孤信舉止風流曾風吹帽簷側

觀者塞路願得化為紅綬帶許教雙鳳一時銜

代元城吳令暗為答

背闕歸藩路欲分水邊風日半西曛荆王枕上元無夢

莫枉陽臺一片雲

杏花

上國昔相值亭亭如欲言異鄉今暫賞脈脈豈無恩
少風多力牆高月有痕為含無限意遂對不勝繁
玉京路主人金谷園幾時辭碧落誰伴過黃昏
鏡拂鉛華膩爐藏桂燼溫終因催竹葉先擬咏桃根
莫學啼成血從教夢寄魂吳王採香逕失路入煙村

燈

皎潔終無倦煎熬亦自求花時隨酒遠
雨夜背窗休冷暗黃茅驛暄明紫桂樓
錦囊名畫掩玉局敗碁收何處無佳夢
誰人不隱憂影隨簾押轉光信簾文流
客自勝潘岳儂今定莫愁
固應留半爇迴照下幃羞

代魏宮私贈

黃初三年已隔存沒追代其意
何必同時亦廣于夜吳歌之流

來時西館阻佳期去後漳河隔夢思
知有宓妃無限意春蘭秋菊可同時

齊宮詞

永壽兵來夜不扃金蓮無復印中庭梁臺歌管三更罷
猶自風搖九子鈴

銀河吹笙

悵望銀河吹玉笙樓寒院冷接平明重衾幽夢他年斷
別樹羈雌昨夜驚月榭故香因雨發風簾殘燭隔霜清
不須浪作綵山意湘瑟秦簫自有情

題二首後重有戲贈任秀才

或刻無二
首二字

一丈紅薔擁翠筠羅窗不識繞街塵峽中尋覓常逢雨

月裏依稀更有人
虛為錯刀留
遠客枉緣書札損文鱗
遙知小閣還斜照
羨殺烏龍卧錦茵

春雨

悵卧新春白袷衣
白門寥落意多違
紅樓隔雨相望冷
珠箔飄燈獨自歸
遠路應悲春晼晚
殘宵猶得夢依稀
玉璫緘札何由達
萬里雲羅一雁飛

富平少侯

七國三邊未到憂
十三身襲富平侯
不收金彈拋林外

却惜銀床在井頭
綵樹轉燈珠錯落
繡檀迴枕玉雕鏤
當關不報侵晨客
新得佳人字莫愁

促漏

促漏遙鐘動靜聞
報章重疊杳難分
舞鸞鏡匣收殘黛
睡鴨香爐換夕薰
歸去定知還向月
夢來何處更為雲
南塘漸暖蒲堪結
兩兩鴛鴦護水紋

江東

驚魚撥刺燕翩翩
獨自江東上釣船
今日春光太飄蕩

謝家輕絮沈郎錢

七夕

鸞扇斜分鳳幄開
星橋橫過鵲飛迴
爭將世上無期別
換得年年一度來

可歎

幸會東城宴未回
年華憂共水相催
梁家宅裏秦宮入
趙后樓中赤鳳來
冰簟且眠金鏤枕
瓊筵不醉玉交盃
宓妃愁坐芝田館
用盡陳王八斗才

曉起

擬盃當曉起呵鏡有微寒隔箔山櫻熟褰帷桂燭殘書
長為報晚夢好更尋難影響輸雙蝶偏過舊晚蘭

腸

有懷非惜恨不奈寸腸何即夕迴彌久前時斷固多熱
應翻急燒冷欲徹空波隔樹淅淅雨通池點點荷倦程
山向背望國闕嵯峨故念飛書及新歡借夢過染筠休
伴淚繞雪莫追歌擬問陽臺事年深楚語訛

獨居有懷

麝重愁風逼羅疎畏月侵怨魂迷恐斷嬌喘細疑沈數
急芙蓉帶頻抽翡翠簪柔情終未達遙妬已先深浦冷
鴛鴦去園空蛺蝶尋蠟花長遞淚箏柱鎮移心覓使鶯
雲莫回頭灞岸陰只聞涼葉院露井近寒砧

代贈

樓上黃昏欲望休玉梯橫絕月中鉤芭蕉不展丁香結
同向春風各自愁

又

東南日出照高樓樓上離人唱石州總把春山掃眉黛
不知供得幾多愁

宮辭

君恩如水向東流得寵憂移失寵愁莫向尊前奏花落
涼風只在殿西頭

追代盧家人嘲堂內

道却橫波字人前莫謾羞只應同楚水長短入淮流

訪人不遇留題別館

卿卿不惜瑣窗春去作長楸走馬身閒倚繡簾吹柳絮
日高深院斷無人

代應

本來銀漢是紅牆隔得盧家白玉堂誰與王昌報消息
盡知三十六鴛鴦

楚吟

山上離宮宮上樓樓前宮畔莫江流楚天長短黃昏雨

宋玉無愁亦有愁

龍池

龍池賜酒敞雲屏
羯鼓聲高衆樂停
夜半宴歸宮漏永
薛王沈醉壽王醒

淚

永巷長年怨綺羅
離情終日思風波
湘江竹上痕無限
峴首碑前灑幾多人
去紫臺秋入塞兵殘
楚帳夜間歌
朝來灞水橋邊問
未抵青袍送玉珂

即日

地寬樓已迴人更迴於樓抽思輕春物傷醒屬莫愁望
賒殊易斷恨久欲難收大勢真無利多情豈自由空園
兼樹廢敗港擁花流書去青楓驛鴻歸杜若洲單棲應
分定辭疾索誰憂更替林鴉恨驚頻去不休

水天閒話舊事

月姊曾逢下彩蟾傾城消息隔重簾已聞珮響知腰細
更辨絃聲覺指纖莫雨自歸山峭峭秋河不動夜厭厭

王昌且在牆東住未必金堂得免嫌

漢宮詞

青雀西飛竟未回君王長在集靈臺侍臣最有相如渴
不賜金莖露一盃

席上作

一云予為桂州從事故府
鄭公出家妓令賦高唐詩

淡雲輕雨拂高唐玉殿秋來夜正長料得也應憐宋玉
一生惟事楚襄王

留贈畏之

待得郎來月已低寒暄不道醉如泥五更又欲向何處
騎馬出門烏夜啼

馬嵬

海外徒聞更九州

鄉衍云九州之外復有九州

他生未卜此生休空

聞虎旅鳴宵柝無復難人報曉籌此日六軍同駐馬當
時七夕笑牽牛如何四紀為天子不及盧家有莫愁

離亭賦得折楊柳

暫憑尊酒送無憀莫損愁眉與細腰人世死前惟有別

春風爭擬惜長條

又

含煙惹霧每依依萬緒千條拂落暉為報行人休盡折
半留相送半迎歸

深宮

金殿銷香閉綺櫳玉壺傳點咽銅龍狂飈不惜蘿陰薄
清露偏知桂葉濃斑竹嶺邊無限淚景陽宮裏及時鐘
豈知為雨為雲處只有高唐十二峯

李涉 十五首

寄荊娘寫真

章華臺南莎草齊長河柳色連金隄青樓瞳矐曙光蚤
梨花滿巷鶯新啼章臺玉顏年十六小來能唱西梁曲
教坊大使久知名郢上詞人歌不足少年才子心相許
夜夜高唐夢雲雨五銖香帔結同心三寸紅牋替傳語
綠池竝戲雙鴛鴦田田翠葉紅蓮香百年恩愛兩相許
一夕不見生愁腸上清仙女徵遊伴欲從湘靈住河漢

只愁陵谷變人寰空歎桑田歸海岸願分精魄定形影
永似銀壺挂金井召得丹青絕世工寫真與身真相同
忽然相對兩不語疑是粧成來鏡中豈期人願天不違
雲輶却駐從山歸畫圖封裏寄箱篋洞庭艷艷生光輝
良人翻作東飛翼却遣江頭問消息經年不得一封書
翠幕雲屏遶空壁結客有少年名總身姓江征帆三十
里前月發豫章知我別時言識我馬上郎恨無羽翼飛
使我徒怨滄波長開篋取畫圖寄我形影與客將如今

憔悴不相似恐君重見生悲傷蒼梧九疑在何處斑斑
竹淚連瀟湘

與李渤新羅劍歌

我有神劍異人與暗中往往精靈語識者知從東海來
來時一夜因風雨長河臨曉北斗殘秋水露背青螭寒
昨夜大梁城下宿不借跌跌光顏看刀邊颯颯塵沙缺
癡痕半是蛟龍血雷煥張華久已無沈寃知向何人說
我有愛弟都九江一條直氣今無雙青光好去莫惆悵

必斬長鯨須少壯

六歎

只書
二首

綺羅香風翡翠車
清明獨傍芙蓉渠
上有雲鬋洞仙女
垂羅掩縠煙中語
風月頻驚桃李時
滄波久別鴛鴦侶
獨傳一札孤飛翼
山長水遠無消息
却鑠重門一院深
半夜空庭明月色

又

深院梧桐夾金井
上有轆轤青絲索
美人清晝汲寒泉

寒泉欲上銀瓶落迢迢碧甃千餘尺竟日倚闌空歎息
惆悵不來照明鏡却掩洞房抱寂寂

重過文上人院

南隨越鳥北燕鴻松月三年別遠公無限心中不平事
一宵清話又成空

潤州聽暮角

江城吹角水茫茫曲引邊聲怨思長驚起暮天沙上雁
海門斜去兩三行

再宿武關

遠別秦城萬里遊，亂山高下出商州。
關門不鎖寒溪水，一夜潺潺送客愁。

鷓鴣詞

湘江煙水深沙岸，隔楓林何處鷓鴣飛。
日斜斑竹陰二女空垂淚，三閭枉自沈。
惟有鷓鴣啼獨傷，行客心。

又

越岡連越井，越鳥更南飛。
何處鷓鴣啼，夕煙東嶺歸。
嶺

外行人少天涯北客稀
鷓鴣啼別處相對淚沾衣

牧童詞

朝牧牛牧牛下江曲
夜牧牛牧牛度村谷
荷蓑出林春雨細
蘆管卧吹莎草綠
亂插蓬蒿箭滿腰
不怕猛虎欺黃犢

竹枝詞

荆門灘急水潺潺
兩岸猿啼煙滿山
渡頭少年應官去
月落西陵望不還

又

巫峽雲開神女祠
綠潭紅樹影參差
不勞戍口初相問
無義灘頭剩別離

又

石壁千重樹萬重
白雲斜掩碧芙蓉
昭君溪上年年月
偏照嬋娟色最濃

又

十二峯頭月欲低
空聆灘上子規啼
孤舟一夜東歸客

泣向東風憶建溪

京口送朱畫之淮南

或刻寄
贈妓人

兩行客淚愁中落萬樹山花雨後殘
君到揚州見桃葉
為傳風水渡江難

唐彥謙

十七首

垂柳

絆惹春風別有情
世間誰敢鬪輕盈
楚王江畔無端種
餓損宮娥學不成

牡丹

真宰多情巧思新
故將能事送殘春
為雲為雨徒虛語
傾國傾城不在人
開日綺霞應失色
落時青帝合傷神
嫦娥婺女曾相送
留下鵝黃作蕊塵

春雨

綺陌夜來雨
春樓寒望迷
遠客迎燕戲
亂響隔鶯啼
有恨開蘭室
無言對李蹊
花歌渾拂檻
柳重欲垂隄
燈檠昏魚目
薰爐咽麝臍
別輕天北鶴
夢怯汝南雞
入戶侵

羅幌梢簷潤繡題新豐樹已失長信草初齊亂蝶寒猶
舞驚鳥暝不栖庾郎盤馬地却怕有春泥

秋晚高樓

松拂疎窗竹映闌素琴幽怨不成彈清霄霽極雲離岫
紫塞風高露滿盤晚蝶飄零經宿雨暮鴉凌亂報秋寒
高樓瞪目歸鴻遠始信嵇康欲畫難

上巳日寄韓八

一云寄
難八

上巳接寒食鶯花寥落晨微微潑火雨草草踏青人涼

似三秋景清無九陌塵與余同病者對此合傷神

長溪秋望

柳短莎長溪水流雨微煙暝立溪頭寒鴉閃閃前山遠
杜曲黃昏獨自愁

離鸞

聞道離鸞思故鄉也知情願嫁王昌塵埃一別楊朱路
風月三年宋玉牆下疾不成雙點淚斷多難到九迴腸
夜前佳樹名梔子試結同心寄謝娘

曲江春望

杏艷桃嬌奪晚霞樂遊無廟有年華
漢朝冠蓋皆陵墓十里宜春下苑花

柳

春思春愁一萬枝遠村遙岸寄相思
西園有雨和苔長南內無人拂檻垂
遊客寂寥緘遠恨莫鶯啼叫惜芳時
晚來飛絮如霜髻恐為多情管別離

春陰

一寸迴腸百慮侵
旅愁危涕兩爭禁
天涯已有銷魂別
樓上寧無擁鼻吟
感事不關河裏笛
傷心應倍雍門琴
春雲更覺愁於我
閒蓋低村作暝陰

春深獨行馬上有作

日烈風高野草香
百花狼籍柳披猖
連天瑞靄千門遠
夾道新陰九陌長
衆飲不歡逃席酒
獨行無味放遊韁
年來與問閒遊者
若个傷春向路旁

寄蔣二十四

鳥轉蜂飛日漸長旅人情味悔思量禪門澹泊無心地
世事生疎欲面牆一月雲煙迷柳色九衢風土帶花香
亦知高士禁愁寂試倚闌干莫斷腸

漢代

漢代金為屋吳宮綺作寮艷詞傳靜婉新曲定妖嬈箭
響猶殘夢籤聲報早朝鮮明臨曉日迴轉度春宵半袖
籠清鏡前絲壓翠翹靜多如有待閒極似無慘梓澤花
猶滿靈和柳未凋障昏巫峽雨屏掩浙江潮未信潘名

岳應疑史姓蕭漏因歌暫斷燈為雨頻挑飲酒闌三雅
投壺賽百嬌鈿蟬新翅重金鴨舊香焦水淨疑澄練霞
孤欲建標別隨秦柱促愁為蜀絃么玄晏難瘳痺臨邛
但發瘳聯詩徵弱絮思友咏甘蕉王氏憐諸謝周郎定
小喬黼幃翹綵雉波扇畫文鯉荇密妨垂釣荷欹欲度
橋不因衣帶水誰覺路迢迢

春殘

景為春時短愁隨別夜長暫暮寧號隱輕醉不成鄉風

雨曾通夕莓苔有衆芳落花如便去樓上即河梁

小院


小院無人夜煙斜月轉明清宵易惆悵不必有離情

寄懷

有客傷春復怨離夕陽亭畔草青時淚從紅蠟無由制
腸比朱絃恐更危梅向好風惟是笑柳因微雨不勝垂
雙溪未去饒歸夢夜孤眠枕獨欹

玫瑰

麝炷騰清燎
蛟紗覆綠蒙
宮粧臨曉日
錦段落東風
無力春煙裏
多愁暮雨中
不知何事意
深淺兩般紅



牙調集卷六